

<<谈迁诗文集>>

图书基本信息

书名：<<谈迁诗文集>>

13位ISBN编号：9787538251135

10位ISBN编号：7538251138

出版时间：1998-12

出版时间：辽宁教育出版社

作者：（清）谈迁

页数：287

字数：230000

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<谈迁诗文集>>

内容概要

《枣林诗文集》，明清之际谈迁撰。

谈迁（一五九四——一六五七）；字孺木，号观若，浙江海宁人，明末诸生，入清后以遗民终老。

谈迁自幼聪颖好学，“舞象，入学为弟子员”，后又受“廪饩高等”。

但在明朝末年经世致用学术风气影响下，谈迁生精力搜讨撰述明代社会的治乱根源。

他一生著述，除编年明史《国榷》外，还有方志《海昌外志》、笔记《枣林杂俎》、《枣林诗集》等。

谈氏家境清寒，交游不广，所有著作生前竟无一篇刊印，死后只有抄本流传。

在传抄中难免钝误讹夺。

更兼清代文网严密，学者为避清廷忌讳，抄写时改动部分字句，甚至抽弃部分篇章，亦势在难免，清代藏书家吴騫称其所得变迁诗集一册即非全豹，又称谈氏全集共十二卷。

而今所见风家抄本，均为文四卷、诗一卷，与吴氏所称相差甚远，盖为谈迁全集之部分内容。

<<谈迁诗文集>>

作者简介

谈迁[清]（1593～1657），明清之际史学家。
原名以训，字观若，明朝灭亡后改名迁，以寄托忘国之痛，海宁人。
他一生著述，除编年明史《国榷》外，还有方志《海昌文志》、笔记《枣林杂俎》、《枣林外索》、《北游录》、《西游录》、《史论》和诗文集《枣林集》、《枣林诗文集》。
罗仲辉（校点）

<<谈迂诗文集>>

书籍目录

本书说明枣林诗集序卷一 诗古乐府 桂之树行 落叶哀蝉曲 上之回 巫山高 将进酒 君马黄 芳树 有所思 临高台 雒子班 陇头水 折扬柳 关山月 洛阳道 长安道 归风送远操 古江南曲 拟读曲歌四首 明妃怨 冬表引五言古诗 录别三首 偶兴 乙丑客凤林徐氏，见石上薜荔才如箸才如箸。

越十年，苍髯鬢，殷东阳婆娑。

庭树良有以也。

.....七言古诗歌行五言绝句五言律诗七言绝句七言律诗五言排律谈孺木先生传朱彝尊《静志居诗话》
节录查慎行《人海记》节录卷二 文序卷三 文序传卷四 文记赞铭辨说墓志铭墓表碑卷五 文行状 文诔
疏题词引杂著枣林集跋枣林集后跋校勘记

<<谈迂诗文集>>

章节摘录

雉子班 雉朝飞，化为石。
 陈仓北阪神高册，得雄者王，得雌者霸。
 长安岁岁祀夫人，南阳卯金驱莽薪。

陇头水 渴死不饮陇头水，饥死不饭陇头山。
 牵衣弃子哭相送，限隔天地非人间。
 弓刀照耀骇白日，半生精神此地失。
 朝那积骸飞作尘，临洮归骑少征人。
 安得主将赵充国，耕田塞下犹知春。

折杨柳 长条系我马，新枝映空樽。
 临岐不忍发，珍重劝故人。
 江南二三月，飞花满四邻。
 塞北盛霜雪，不知冬与春。
 夫君慎行役，万勿阻车轮。
 此地一为别，古树戒斧斤。
 伫望天之涯，握手重逡巡。

关山月 陇山雪，霏复霏；玉关雨，凄复凄。
 雨雪劳人马足深，关山月色伤我心。
 行行虽海峤，奄忽照榆林。
 沙场莽骨万鬼窟，寒光竖发开层阴。
 妖狐人立东向拜，别有冤骸非近今。
 断脰隐血腔微语，辽左江东生长处。
 主将蒙恬累报功，匈奴冒顿空烦汝。
 此夜惊魂望海崖，何年征戍不思家？镜中华发刀镞杳，笛里横吹柳叶斜。
 明月照我秦氏楼，明月照我沟水头。
 少妇娉婷愁决绝，时因烽火泣凉州。

洛阳道 冠盖临瀍水，歌舞指北邙。
 向来行乐地，一一被翳桑。
 城东望桃李，出色压众芳。
 置酒平乐观，列坐邯郸倡。
 阳翟诸大贾，千金市明珰。
 上已竞修楔，九月下繁霜。
 炎凉随时目，富贵多少长。
 日奏丝与竹，清响遏云梁。
 户卿三十里，蒿里霏人裳。
 此曲寒堪听，云自古齐王。

长安道 鲍车骊山阴，天关渭桥右。
 秦汉转瞬间，当路争紫绶。
 旋沽新丰酒，更击南山缶。
 廷尉善陷人，丞相方炙手。
 羽林霍家奴，五侯天子舅。
 西京盛冠盖，顷刻移妍丑。
 入门多意气，枢轴系威斗。
 居其慎所从，失路无相厚。

归风送远操 日西升兮天四围，乐万岁兮谢朝晖，冠远游兮露三危。
 步虚词 银河既清浅，广寒矗上游。

<<谈迂诗文集>>

凉飕快何极，琪树横素秋。
 上有玄鹤栖，旁有白玉楼。
 青石镂金榜，虹梁回沧洲。
 飞动不尽识，驯性随空浮。
 清音生寂听，风笙非所求。
 朝骖桐柏山，夕宿昆仑丘。
 何以为我赠？采芝相夷犹。

古江南曲 望望不可见，郎在洞庭船。
 相思连夜发，七十二峰前。

拟读曲歌四首 拾他金爵钗，胡不自持去？祈欢善所藏，还时畏婢女。
 皮金翦香字，禾下暗藏日。

见月欢当来，见日欢当去。
 欢来长犬吠，欢情终不浅。

□□□□□，后身甘做犬。
 南哺栽白莲，下有十丈藕。

孔孔吹轻丝，为系少年口。
 明妃怨 少小入大内，绮疏极天工。

玉阶平似水，阑盾错云龙。
 承遣出秘殿，历览与初同。
 欵忽宣尺一，赤帜扬边风。
 阁泪不敢啼，天子云和戎。
 家庭距南越，去去谁与通？掖庭诸下陈，地下才相逢。
 北出长安门，阴山何巃嵒！驱车戒汉马，缓策勿遽攻。
 有貌虽如花，此身竟飞蓬。
 非不念大汉，所恨红颜穷。
 臆胡一辱体，宿志等愚聋。
 流闻诛画师，移怒累彼童。
 生女颇娟好，生男狎轻弓。
 汉语失听久，笳吹夜未终。
 尝梦度绝塞，幕南尘一空。
 谁能画此策？

娄敬当首功。
 冬青引 蛻龙愁见乌头白，山鬼钱塘沈素壁。

秋风衰草晚萧萧，玉碗金蚕烂不惜。
 冬青少树今儿围？冬青黢黯咽斜晖。

六陵松柏非前日，地下春愁帝子归。
 海塘谣 前鸣金，后鸣鼓，声声官长催督苦。

凤凰山边募石土，马牧港口拘船户。
 何时沧海变桑田？为免贫民雇役钱。

续琵琶行寄张深之都督并序 月应黄钟，里名白苕。
 终袍赠而得暖，黍谷吹而忘寒。

雁作南宾，喜缓不鸣之命；鱼游北渚，仍潜在藻之欢。
 极卷河山，坚情琬琰。

刻玉以镌二女，非日常流；筑亭以表三高，庶希旧迹。
 方是时也，觥筹交错，捍拨纷披，进乐器于龟兹，属佳人于金缕。
 动左右之腕，银甲轻挑；洒大小之珠，玉盘进落。
 坐客嘉赏，妙伎清扬。

<<谈迂诗文集>>

在昔湓浦之声，既怆司马；今日鸳湖之调，亦感骚人。
 屈都督于海隅，冤同白傅；老书生于邻国，悲切旧姬。
 维岁钥之将徂，系修名之未立。
 闻新声于隋苑，路多垂泪之夫。
 伤绝唱于广陵，时鲜嚶鸣之友。
 悲吟泽畔，勉缀梁尘。
 若夫离情欢绪，事各不符，室远人遐，义非有间。
 即江州犹不能陈其既往，而薄劣又何可概其将来！
 是夜月蚀。

霜风剪剪寒冰夕，掩月妖墓光渐白。

暗香声袅碧梧梢，东园狂杀并州客。
 并州可望不可即，流落江南谢傅屐。
 绋袍恋恋眼加青，别有闲情娱画戟。
 华堂唤出芙蓉面，洛川子建惊初见。
 罗袜春波步步轻，牡丹鞋拥彤云饯。
 娇眉不似益州图，新鬟昨入吴宫宴。
 南人文弱北人豪，生生各问谁乡县。
 蜡影深深斩绛虫，泪流红烛心难卷。
 词客高歌四座空，铜笳吹彻大江东。
 晓风残月古如此，更听佳人诉汉宫。
 檀槽金缕双飞凤，半面犹遮忽雷动。
 绿水青丝捻玉纤，芳魂催醒鸳鸯梦。
 六么护索不复弹，梁州又畏边城恟。
 轻挑浅拨两三声，多情略作山坡弄。
 凉颺簌簌碎离筵，千峰万骑奔向送。
 俄闻小语绿窗前，桃花树树紫飞烟。
 莺丝静袅春初啭，龙涧潜流月未圆。
 或手前推或手却，余音袅袅来笑靥。
 紫袖斜笼玉笋芽，榴裙怕湿当年篋。
 此时词客俱回首，太原王郎雅自负。
 组欢织恨好鸾笺，销得清河今夜酒。
 使君慷慨遂大呼，天下英雄尔与吾。
 凡人矢志无戚戚，荆高当日本屠沽。
 前林哑哑枝上乌，金爵觚棱明月孤。
 广平书生正愁绝，江州司马诟前诬。
 使君投荒书生老，眼底忠才各草草。
 商妇悲心我亦知，浙闾长泣雍门道。

天涯聚散有何常？曲项琵琶红粉妆。

欲将两地劳人泪，抵尽千秋才子狂。

义昌驿丞行 癸酉十一月寇攻沔池，义昌驿丞临胸宋功臣以钳徒御之，杀伤过当，明日力屈死之。

通判袁勋署县事，逃陶穴中，视丞何如也！抄本原批：万历元年癸酉。

崇祯六年癸酉，当是此年。

长矛三寻剑七尺，北风烈烈义昌驿。

关东诸盗嗜杀人，千里横行啼怨魂。

会盟台前霜露早，青袍白马最好谁？宋丞慷慨方少年，大呼血战尘方扫。

诸盗披靡未敢前，斫头陷胸窜道边。

卑官惟有驿丞贱，明日归魂托杜鹃。

<<谈迂诗文集>>

秣陵汉尉蒋子文，义昌驿宰宋功臣。

虽知忠义无高下，今代官轻异古人。

徐旷侯先生罢官歌 江云冻彻寒梅色，罪官归来贫亦得，愁向红尘逐马蹄，卧对青山笑鸡肋。

会盟台，秦王狩；苏子里，相国绶。

千秋陈迹俱已矣，但有遗黎饥且瘦。

伐鼓三声昼坐衙，鸠形鹄面切于怀。

青溪只鹤盈秋露，叶县双凫冷玉阶。

先生情性云霞外，新城种柳十围大。

不必重栽陶氏门，酒资常薄销腰带。

燕市行送赵无声先生北上 芦沟晓霜如薄雪，路柳枝枝青已折。

人生不饮燕市酒，荆卿渐离非豪杰。

燕市意气多绝伦，立谈慷慨身相殉。

短剑不愁弹客舍，敝裘何事苦征人。

自从燕市狗屠去，侠烈风流无可语。

汉魏浸寻更六朝，鲜卑胡羯杂天骄。

中唐辽宋来今日，沙漠尘空羨圣朝。

黄金为城白玉阙，海岳东西吞日月。

九门鱼钥漏将稀，万户鸡声啼未歇。

五侯七贵竞貂蝉，华毂朱轮大道边。

花发妆台私夜雨，柳明太液袅春烟。

燕市遭逢有如此，先生素称天下士。

上书得志迈时流，千金重报泥金纸。

古剑行 青蛇昼划燕山雪，眼见千金积昏血。

神光浮动山鬼惊，寒原走电天门裂。

丈夫出入安可无！濮阳精铁融鸛鹑。

欧冶毕力铸不就，雷公鼓囊蛟龙呼。

飞锛作色虹耿耿，延汴浸川芙蓉冷。

静夜秋风时一鸣，床头侠客横星影。

绀髻行 元僧杨琏真伽发宋诸陵，圣献孟太后绀髻可六尺余，度以金钗。

后瘞故处。

北山纒絮斲新漆，南山窆石啼湘瑟。

幽脂*地照金蚕，玉京王母开天日。

原头鸟雀不敢呼，少君汉帐苦无术。

碧丝六尺夜生光，朝云如墨惊相失。

宝翟春归偃月残，金钗斜绾盘龙逸。

当年日影妒寒鸦，隔代风流怅夜室。

靖康去后赖垂帘，月馭沈沈山鬼叱。

精灵夜尽万古寒，仙凡超隔空慈跽。

顾家妇 崔家妇，饮姑乳；顾家妇，饮姑血。

系臂当年裹绛纱，北堂代事心亲切。

玉腕轻，金钏裂，夺回鬼录延慈节。

选宫行 江南嫁娶何纷然？云有勅使来幽燕。

椒房虚寝下仙輶，韶颜稚齿求众妍。

九重有诏天下传，人间处处愁婣娟。

，赤绳未必系前缘。

通衢鼓吹车马阗，俱谐种玉称蓝田。

贫家倾刻不自全，牵衣泣送柴门前。

<<谈迂诗文集>>

雀屏论耦非论年，凤凰于飞遍八埏。

桃源二女虽神仙，自断天宫忧紫烟。

韩娥行 元季明玉珍入蜀，保宁韩氏女托戎服行间。

既七载，同伍莫之知也。

值叔氏携归其家，木兰女不专美于前矣。

川北有杜鹃，川东无杜鹃。

杜鹃声悒咽，末季难为传。

今我殊不乐，鼓角行喧阗。

析骸压积壑，洒血倾飞湍。

急足驰巷左，栈阁妖虹偏。

中原避西蜀，孤矢司其权。

保宁韩氏女，掩袂愁相煎。

我生何不辰？父兄力尝绵。

贸布堪作盔，捶纸堪作甲。

太息且苟全，不敢忤军法。

长衫裁为铁裯裆，袜韦附注非旧裳。

腰垂大羽箭，耳脱明月珰。

涪水淬铍锇，设誓斩天狼。

匹夫重庆称帝宅，东拒夔门西岷阨。

点苍洱海亦从征，处处泉鸣催怨魄。

韩娥从征未可知，军书夕下旦忧迟。

泸溪当孔道，索岭刺苍天。

药弩薄前阵，战象迫右肩。

严程启夜半，阖营鼓填填。

戍久习劳顿，同伍相周旋。

七载戒淫掠，私念窃自怜。

岷江有时竭，瞿塘有时迁。

韩娥军中日提戈，父兄睽绝可奈何！

一朝洁身随叔氏，宅前秋草积烟萝。

释我短后衣，着我双行缠。

队长与火伴，惊叹彼少年。

西邻有女颜如花，乱时飘泊委泥沙。

谁似韩娥甘苦节？

木兰千载又重夸。

拟班超与兄固书 超远托绝域，故乡修阻。

时极东望，苍苍凉凉，日月所出，云树仿佛。

同气万里，梦境舛迁。

日前少壮，坝笻谐合。

今积苦兵间，举足入险。

葱岭苇桥，荒冥非人。

寝食魑魅之外，头发为自。

金石之躯，亦难堪此。

超既形销，兄更迟暮，遥度齿发，衰豁为期。

幸及大汉之盛，各树勋名，承明金马。

著作之庭，大雅宏达，兄饶为之，不复多让。

吏卒自关中来，言车骑将军伯度北空朔漠，勒兵燕然，记大汉之威德。

文词尔雅，为时所希。

<<谈迂诗文集>>

昔孝武皇帝鞭撻匈奴，天声震叠。

狼胥瀚海之间，雄文阙如也。

超初奉使，备遭艰戾。

官属三十六人，感愤戮力。

破白山，临蒲类，取车师，定龟兹，其后拘弥莎车、疏勒、月氏、乌孙、康居、焉耆、尉犁之首，悬于橐街。

安集、于阗以西，逾葱岭绝县，度驰驱二十二年矣。

离琐墓，睽骨肉，以效张骞傅介子之功，稍竖尺寸，未卜其税驾之所。

往兄为兰台令史，超佣书养母，虽长贫贱，复何可得？先人有志述作，录司马迁太初以后事。

整齐其文，尚未卒业，绍明当代之休，以竟余志。

兄幸无中辍。

西域风土，兵事曲折，非象胥所尽。

百闻不如一见，容超手削备舌人之末。

上高相国书 前见礼部仪注，辄称“奉天殿”。

按嘉靖壬戌改称“皇极殿”，迄今遵守。

今突如故称何也？余所不合甚多，惜无及矣。

刻下诏令典制，须博求掌故，又合时宜，否则印板事耳。

御宝篆文出于俗工，又不知时变，惟求摹肖旧。

脱他日逆贼矫伪，何以辨之？书生不识忌讳，伏惟裁督。

顷道见诸臣哭临后，多青袍角带归署，大非制也。

时方昧君父，而士大夫又身倡之，不过蔑视大行之败亡耳。

可痛可恨。

祈阁下明日遍谕廷臣，缟素遵制。

如其私违，许鸿胪寺纠察，庶严臣子之分。

日者某言访梓宫及东宫、二王，恐迂而未切。

梓宫自在，何埃访为？如贼奔，则东宫、二王必见胁，无待言矣。

且发单使非所以示重。

长安果克，吴都督当有急奏，宜大九卿及见在驸马奉敕省视太庙山陵梓宫，或预撰祝文奉慰。

若单使则诏谕吏民等先发，随遣大臣，宜速不宜缓也。

贼虽西走，势尚可虞。

吴将军独力，只可自保。

贼狡百出，安知不卷土重来乎？或偏师缀吴将军别部，分道突其不意，度今谁为吴将军后继者？须左镇出军进商洛，则贼恋巢穴，决不敢轻出矣。

而左镇前败于贼，其胆已怯。

亟命四镇分道进取，会于潼关。

如四镇未发，枢相自淮安前驱抵汴，则四镇可鼓矣。

此枢相封侯之地，愿从舆之。

各郡县豪民，相挺而起，伪官非歼则遁，料贼未敢东行。

故为枢相计，莫会于此。

王总督永吉及刘东平云，恢复山东不难，难于守耳。

此欺人畏敌之语。

必以难守而不进，恢复无日矣。

事之成败，在人心之离合。

众志成城，安在不可守也！如德州杀贼，即贼大至，恐不能破必死之义民耳。

……

<<谈迁诗文集>>

编辑推荐

清初著名历史学家谈迁用27年时间写出了历史巨著《国榷》，在书即将出版前一天被盗。谈迁又用了10年时间再次将书完成，被传为美谈。然而，他的诗文并不逊于其史作。一部《谈迁诗文集》能让你全面了解谈迁其人其事……

<<谈迂诗文集>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>